

Հետաքննության մարմինների աշխատակիցների կողմից դեպքի վայրը պահպանելու կանոնները սահմանելու մասին ՀՀ կառավարության որոշման նախագիծ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ ՈՐՈՇՈՒՄ

----- 2018 թվականի N -----Ն

ՀԵՏԱԶՔՆՈՒԹՅԱՆ ՄԱՐՄԻՆՆԵՐԻ ԱԾԽԱՏԱԿԻՑՆԵՐԻ ԿՈՂՄԻՑ ԴԵՊԵԻ ՎԱՅՐԸ ՊԱՀՊԱՆԵԼՈՒ ԿԱՆՈՆՆԵՐԸ ՍԱՀՄԱՆԵԼՈՒ ՄԱՍԻՆ

Հիմք ընդունելով «Ոստիկանության մասին» ՀՀ օրենքի 11-րդ հոդվածի 2-րդ պարբերությունը, «Հայաստանի Հանրապետության գինված ուժերի ներքին ծառայության կանոնագիրը հաստատելու մասին» ՀՀ օրենքի 91-րդ հոդվածի տասներկուերորդ պարբերությունը, «Ռազմական ոստիկանության մասին» ՀՀ օրենքի 11-րդ հոդվածի 1-ին մասի 2-րդ կետը, «Քրեակատարողական ծառայության մասին» ՀՀ օրենքի 4-րդ հոդվածի 1-ին մասի 11-րդ կետը, «Ազգային անվտանգության մարմինների մասին» ՀՀ օրենքի 13-րդ հոդվածի 4-րդ պարբերությունը, «Փրկարար ծառայության մասին» ՀՀ օրենքի 5-րդ հոդվածի 1-ին մասի «բ.1» կետը, «Հրդեհային անվտանգության մասին» ՀՀ օրենքի 13-րդ հոդվածի 5-րդ պարբերությունը, «Հարկային ծառայության մասին» ՀՀ օրենքի 6-րդ հոդվածի 1-ին մասի 5-րդ կետը, «Մաքսային ծառայության մասին» ՀՀ օրենքի 24-րդ հոդվածի 1-ին մասի 6.1-ին կետը, «Ավիացիայի մասին» ՀՀ օրենքի 38-րդ հոդվածի 3-րդ մասը և ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 13-րդ հոդվածի 1-ին մասով՝ Հայաստանի Հանրապետության կառավարությունը **որոշում է**.

1. Սահմանել՝

- հետաքննության մարմինների աշխատակիցների կողմից դեպքի վայրը պահպանելու կանոնները՝ համաձայն N 1 հավելվածի.
- դեպքի վայրը ժապավենով կամ այլ եղանակով մեկուսացնելուց հետո դեպքի վայրի մեկուսացված տարածք մուտք գործած անձանց հաշվառման մատյանի ձևը՝ համաձայն N 2 հավելվածի:

2. Հայաստանի Հանրապետության կառավարությանն առընթեր ոստիկանության պետին, Հայաստանի Հանրապետության պաշտպանության նախարարին, Հայաստանի Հանրապետության արդարադատության նախարարին, Հայաստանի Հանրապետության կառավարությանն առընթեր ազգային անվտանգության ծառայության պետին, Հայաստանի Հանրապետության արտակարգ իրավիճակների նախարարին, Հայաստանի Հանրապետության պետական եկամուտների կոմիտեի նախագահին, Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչության պետին՝ որոշումն ուժի մեջ մտնելուց հետո մեկամսյա ժամկետում հաստատել՝ դեպքի վայրը պահպանելու պարտականություն ունեցող աշխատակիցների պաշտոնների ցանկը:
3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Հայաստանի Հանրապետության

**վարչապետ
Փաշինյան**

Ն.

Հավելված N 1

թվականի

ՀՀ կառավարության 2018

_____ -ի N ____ Ն որոշման

Կ Ա Ն Ո Ն Ն Ե Ր

ՀԵՏԱՔՆՆՈՒԹՅԱՆ ՄԱՐՄԻՆՆԵՐԻ ԱՇԽԱՏԱԿԻՑՆԵՐԻ ԿՈՂՄԻՑ ԴԵՊԵԻ ՎԱՅԻՆ ՊԱՀՊԱՆԵԼՈՒ

1. Սույն կանոններով (այսուհետ՝ կանոններ) սահմանվում են հետաքննության մարմինների (այսուհետ՝ իրավասու մարմիններ) աշխատակիցների կողմից դեպքի վայրը պահպանելու միասնական կազմակերպատիրավական բնույթի միջոցառումներ:
2. Սույն կանոնների իմաստով դեպքի վայր է այն տարածքը, որտեղ տեղի է ունեցել դեպքը և (կամ) առկա են հանցագործության հետքեր և (կամ) հետևանքներ:
3. Սույն կանոնների համաձայն՝ իրավասու մարմինների աշխատակիցներն իրենց իրավասության սահմաններում պահպանում են դեպքի վայրը, հանցագործության հետքերը, այլ նյութական օբյեկտները, ձեռնարկելում են իրավիճակից բխող կազմակերպական միջոցառումներ՝ դրանց վնասելը կամ կորուստը կանխելու ուղղությամբ:
4. Դեպքի վայրում իրավասու մարմինների աշխատակիցները պարտավոր են.
 - անմիջապես դեպքի վայրի ցեղանշներ քրեական դատավարությանը մասնակից չհանդիսացող կամ դեպքի վայրում զննությանը մասնակցելու լիազորություն չունեցող անձանց, մասնավորապես՝ զանգվածային լրատվական միջոցների ներկայացուցիչներին, անցորդներին.
 - ապահովել դեպքի վայրի պահպանությունը՝ ժապավեններով կամ այլ եղանակով այն մեկուսացնելով.
 - արգելել առանց քննիչի թույլտվության քրեական վարույթի մասնակից չհանդիսացող կամ դեպքի վայրում գտնվելու լիազորություն չունեցող անձանց, ներառյալ՝ ոստիկանության, այլ գերատեսչությունների ծառայողներին, լրագրողներին սահմանազատված տարածք մուտք գործել,
 - կատարել դեպքի վայրի պահպանման վերաբերյալ քննիչի օրինական պահանջները և իրավիճակից բխող այլ հանձնարարությունները:
5. Իրավասու մարմնի աշխատակիցներին, մինչև դեպքի վայրի զննությունն ատարելու իրավասություն ունեցող պաշտոնատարան ծիծամանելը, արգելվում է դեպքի վայրում առկա առարկաներին դիպչել, տեղափոխել կամ փոխել դրանք, բացառությամբ 6-րդ կետով սահմանված դեպքերի:
6. Եղանակային (անձրև, քամի, ձյուն և այլն) և այլ գործոններով պայմանավորված հանցագործության հետքերի և դեպքի վայրում առկա այլ առարկաների վնասման կամ ոչնչացման սպառնալիքի դեպքում հետաքննության մարմնի աշխատակիցները դրանց պահպանմանն պատակով ձեռնարկում են իրավիճակից բխող

կազմակերպական միջոցառումներ:

7. Սույն կանոնների 6-րդ կետով սահմանված՝ դեպքի վայրում առկա առարկաները տեղաշարժելու դեպքում իրավասումարմնիաշխատակիցներն ամրագրում են (գրառում, լուսանկարահանում) իրերի կամ առարկաների նախնական դիրքը:
8. Դեպքի վայրում իրավասումարմնիաշխատակիցներին արգելվում է ծխել, նետել առարկաներ, իրականացնել դեպքի վայրի պահպանության հետուղղակի չառնչվող այլ գործողություններ:
9. Դեպքի վայրի պահպանությանն ուղղված գործողությունները դադարեցվում, դեպքի վայրի զննության ապահովմանն ուղղված ժապավենները կամ այլ միջոցները դեպքի վայրից հանվում են միայն քննիչի թույլտվությամբ:

Հավելված N 2

ՀՀ կառավարության 2018

թվականի

_____ -ի N _____ Ն որոշման

Դեպքի վայրը ժապավենով կամ այլ եղանակով մեկուսացնելուց հետո դեպքի վայրի մեկուսացված տարածք մուտք գործած անձանց հաշվառման մատյանի

Ա.Ա.Հ., պաշտոն

Մուտքի ժամ, րոպե Ելքի ժամ, րոպե Ստորագրություն

Դեպքի վայրի պահպանման պատասխանատու (Ա.Ա.Հ., պաշտոն,
ստորագրություն, ամսաթիվ) _____
